

05-01-2022

Sarajevo, _____
Broj: 01-11-3-470

Na osnovu člana 70. Zakona o javnim nabavkama („Službeni glasnik BiH”, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-61973 od 30.12.2021.godine, Generalna direktorica donosi:

ODLUKU

o izboru najpovoljnijeg ponuđača za
**Nabavku i isporuku digitalnog Dermatoskop aparata za potrebe
Klinike za kožne i venerične bolesti KCUS-a**

I

Prihvata se prijedlog Komisije za javnu nabavku, **Izvještaj br. 10-33-4-61973 od 30.12.2021.godine**, za postupak nabavke "**Nabavka i isporuka digitalnog Dermatoskop aparata za potrebe Klinike za kožne i venerične bolesti KCUS-a**", nakon provedenog otvorenog postupka objavljenog na portalu e-nabavke pod brojem obavještenja 893-1-1-774-3-593/21 od 01.12.2021.godine i **Ugovor o nabavci dodjeli ponuđaču „Sono Medical” doo Sarajevo**, u iznosu **80.000,00 KM bez PDV-a**, te će biti zaključen **u skladu sa članom 69. 1a) ZJN (Sl.glasnik BiH br.39/14)** i dostavljenom ponudom broj 585/21 od 16.12.2021.godine (KCUS broj 10-11-3-60826 od 24.12.2021.godine) koja će činiti sastavni dio ovog Ugovora.

Osnovni elementi Ugovora:

- **Tip/model i proizvođač: Dermatoskop digitalni - VISIOMED D200^{EVO}, CANFIELD Scientific**
- **Vrijednost Ugovora: 80.000,00 KM bez PDV-a + PDV 13.600,00 KM = 93.600,00 KM sa PDV-om**
- **Uslovi plaćanja: odgođeno plaćanje u roku 30 dana od dana isporuke, montaže, puštanja u rad, edukacije osoblja, te potpisivanja Zapisnika/protokola o primopredaji opreme i ispostavljanja fakture.**
- **Garantni period na isporučenu opremu u trajanju od 24 mjeseca**
- **Rok za isporuku, montažu, puštanje u rad opreme i edukaciju osoblja maksimalno do 60 dana**

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a.

O B R A Z L O Ž E N J E

U skladu sa Odlukom Generalne direktorice KCUS-a br. 01-11-3-55259 od 26.11.2021. godine, pokrenut je postupak javne nabavke "**Nabavka i isporuka digitalnog Dermatoskop aparata za potrebe Klinike za kožne i venerične bolesti KCUS-a**". Procijenjena vrijednost nabavke je **80.000,00 KM bez PDV-a**, sredstva su planirana Planom javnih nabavki KCU Sarajevo za 2021.godinu, pod klasifikacijom **Robe-investicije, red. br. 44.** (Odluka o izmjenama i dopunama Plana javnih nabavki KCUS-a za 2021.godinu, broj 65-04-2-50979 od 02.11.2021.godine. Sredstva za nabavku su obezbjeđena u Budžetu Federacije BiH vezano za ugovor o dodjeli sredstava "Tekući transfer drugim nivoima vlasti - transfer za sanaciju zdravstvenih ustanova u Federaciji BiH" br.06-11-2900-3/21 potpisan između FMZ i KCUS-a).

Uslovi plaćanja predviđeni za postupak nabavke su odgođeno plaćanje 30 dana po ispostavljenom računu (na osnovu akta Sektora za računovodstvo, plan i analizu br.56-11-3-53317 od 15.11.2021.godine).

Štampar

Klinički centar Univerziteta u Sarajevu je 01.12.2021.godine, objavio Obavještenje o nabavci broj 893-1-1-774-3-593/21, na portalu e-Nabavke zajedno sa Tenderskom dokumentacijom za nabavku i isporuku digitalnog Dermatoskop aparata za potrebe Klinike za kožne i venerične bolesti KCUS-a.

Obzirom da je tenderska dokumentacija za postupak nabavke objavljena na portalu e-Nabavke 01.12.2021.godine istu je preuzelo 11 (jedanaest) potencijalnih ponuđača, a do krajnjeg roka određenog za prijem ponuda, 28.12.2021.godine, do 09,30 sati, dostavljene su 2 (dvije) ponude što je evidentirano Zapisnikom o zaprimanju ponuda br.10-33-4-61349 od 28.12.2021.godine.

U narednoj tabeli je dat pregled o prispjelim ponudama.

R. br. ponude	Ponuđač	Broj i datum dostavljene ponude	KCUS/broj protokola Datum i vrijeme pristizanja ponude	Cijena ponude bez PDV-a / KM
1.	Sono Medical doo Sarajevo	585/21 od 16.12.2021.godine	10-11-3-60826 24.12.2021.godine 10,00 sati	80.000,00
2.	Derby Trade doo Brčko	1417-12-21 od 25.12.2021.godine	10-11-3-61321 28.12.2021.godine 08,24 sati	42.500,00

Analiza dostavljenih ponuda

U skladu sa zahtjevima definisanim tenderskom dokumentacijom koje treba da ispune ponuđači da bi stekli uslove za dalju kvalifikaciju u javnom nadmetanju, Komisija imenovana Odlukom br. 01-04-4-55277 od 26.11.2021. godine, je izvršila uvid i detaljnu provjeru dokumenata ponuda i ocijenila njihovu formalnu i suštinsku valjanost, te konstatovala slijedeće zaključke.

1. Ponuđač **Derby Trade doo Brčko**, je dostavio ponudu za digitalni Dermatoskop aparat model - **VIDIX 4.0.**, proizvođača **Medici Medical SRL**, a Komisija je detaljnom analizom dostavljene ponude i priloženog kataloško/prospektnog materijala konstatovala da dostavljena ponuda **nije tehnički prihvatljiva**, jer nije dostavljena u skladu sa:
 - Tačkom 1.10. tehničke specifikacije kojom je zahtjevana minimalna rezolucija Digitalne dermatoskopske kamere od 6.5 Mpix, a ponuđač je za traženo u svojoj ponudi naveo "NE" i ponudio kameru sa rezolucijom od 5.0 Mpix (Tehnologija širokih piksela).
 - Tačkom 3.1. tehničke specifikacije kojom je zahtjevana minimalna rezolucija optičkog senzora 6.5 Mpix, a ponuđač je za traženo u svojoj ponudi naveo "NE" i ponudio kameru sa rezolucijom od 5.0 Mpix (Tehnologija širokih piksela).
 - Tačkom 3.2. tehničke specifikacije kojom je zahtjevano **Optičko uvećanje** kamere minimalno od 15 do 200 puta u step by step koracima (kalibrisanim), a ponuđač je za traženo u svojoj ponudi naveo "DA" iako je Komisija analizom i uvidom u dostavljeni kataloško/prospektni materijal ustanovila da je na stranici 46. tačka 3.2. navedeno optičko uvećanje 7x-10x-20x-30x-50x-70x-100x.

Na osnovu naprijed navedenog Komisija je konstatovala da ponuda ponuđača **Derby Trade doo Brčko** ispunjava formalno pravne zahtjeve, ali ne ispunjava tehničke zahtjeve postavljene tehničkom specifikacijom - Aneks 3, te je **neprihvatljiva i ne može učestvovati u daljem toku natjecanja**.

2. Ponuđač **Sono Medical doo Sarajevo** je dostavio ponudu za digitalni Dermatoskop aparat model - **VISIOMED D200^{EVO}**, proizvođača **CANFIELD Scientific**, a Komisija je detaljnom analizom dostavljene ponude i priloženog kataloško/prospektnog materijala konstatovala da dostavljena ponuda **ispunjava formalno pravne, tehničke i suštinske zahtjeve**, što se vidi u tabelarnom prikazu, gdje je dostavljena ponuda ocijenjena kao prihvatljiva, pa **može biti predmet vrednovanja i može učestvovati u daljem toku natjecanja**.

[Handwritten signature]

Imajući u vidu naprijed navedeno, te činjenicu da je za ovaj postupak javne nabavke planirano provođenje e-aukcije u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, Komisija predlaže da se za "Nabavku i isporuku digitalnog Dermatoskop aparata za potrebe Klinike za kožne i venerične bolesti KCUS-a" **postupak okončava u skladu sa članom 69. 1a) ZJN** (Sl.glasnik BiH br.39/14).

Obzirom da je cijena jedine prihvatljive ponude za ovaj postupak nabavke u okviru osiguranih sredstava za nabavku, te da je u provedenom postupku javne nabavke zadovoljena transparentnost, Komisija je, **Izveštajem br. 10-33-4-61973 od 30.12.2021.godine**, jednoglasno dala prijedlog Ugovornom organu da se donese odluka o izboru najpovoljnijeg ponuđača i **Ugovor o „Nabavci i isporuci digitalnog Dermatoskop aparata za potrebe Klinike za kožne i venerične bolesti KCUS-a“** dodjeli ponuđaču „**Sono Medical**“ doo Sarajevo, u iznosu od **80.000,00 KM bez PDV-a**, te će biti zaključen **u skladu sa članom 69. 1a) ZJN (Sl.glasnik BiH br.39/14)** i dostavljenom ponudom broj 585/21 od 16.12.2021.godine (KCUS broj 10-11-3-60826 od 24.12.2021.godine) koja će činiti sastavni dio ovog Ugovora.

Prijedlog Komisije je prihvaćen i donijeta je odluka kao u dispozitivu.



GENERALNA DIREKTORICA

Prof.dr. Sebija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima
- Tehnički sektor
- a/a KCUS

Edin Ferić